

# ნიკონი

7



ძოვლად შეეუწყნარებელია ფაქტები, როცა სისხლის სამართლის პასუხისგებაში აძლევენ პირებს საამისო საფუძელის უქონლად.

ნახ. მ. აბაშიძისა

გაზეთიდან

„დაგეგმეთ და ვერ გოვლდით, ნებაჲ, სადა ხართ?!“



# თეთრი ლეხი შავ-შავ კაბაზე

როდესაც ზარმაცს და მუქთახორას,  
ბაქიბუქას და ალოლლეტიას  
ნათლავენ გამრჯე ადამიანად,  
როცა ფუტუროს ცივი ნათება  
საღებდა მუქად მხურვალე მზისა,  
თანაც ლოცავენ გუნდრუკის კმევით,  
ჩვენ კი ამ ამბავს უწყინარი დუმილით ვხვდებით,—  
განა ჩვენ იმათზე ცრუები არ ვართ?!  
განა ჩვენ არა ვართ ნამდვილად ბრმები?!

როდესაც ქოსას, მელოტთავიანს,  
უქებენ ქოჩორს, ნეგრსა და ულვაშს,  
არა ქილიკით, — საოცარი თავდაჯერებით,  
თავის ნათქვამში მერმე სხვებიც რომ დაარწმუნონ  
და სხვებიც ამას იჯერებენ სერიოზულად, —  
ეს ჩვენი სიბრმავიც არ არის განა?!  
ეს ჩვენი სიცრუეც არ არის განა?!

როცა ეშმაკი ანგელოზის ფრთებით დაფრინავს,  
როცა უწმინდურს და ვიგინდარას,  
შინა თუ გარეთ,  
თავს ადგამენ წმინდანის გვირგვინს  
სიყალბის მქმნელნი.  
რათა ამა გზით და ამა ხრიკით  
თავიანთი უწმინდურობაც შენიღბონ იოლად,  
ხოლო ჩვენ ვდუმავართ,  
ვდუმავართ თვეზებოვით, —  
განა არ ხდება უწმინდური ჩვენი სულელებიც?!  
ჩვენ უარესი ყალბისმქმნელნი არ ვხდებით განა?!

როდესაც სკამით იზომება მაჯანის ნიჭი,  
მადლი გონების, ღირსება და უნარი კაცის,  
როცა ეჩოკაცს თავი მოაქვს ერის მოღვაწედ,  
კარიერისტი პატრიოტის ნიღბით რომ დადის,  
ხოლო ჩვენ ამას ვურიგდებით გულარხეინად, —  
ჩვენც ბოროტების ხელშემწყობნი არ ვხდებით განა?!  
განა არ ვხვდებით უფრო მეტად ცოდვილნი ჩვენა?!

ეკ. ისე როგორ ვბრმავდებით ზოგჯერ,  
რომ კაცსა და სკამს ველარ ვანსხვავებთ?!  
მაჯანი კაცი, მომხვეჭელი ყალბი დიდების,  
ყველა ნაძირალაზე ნაძირალა არ არის ვითომ?!  
ყველა ყაჩაღზე უყაჩაღესი  
და ყველა ქურდზე უქურდესი არ არის ვითომ?!  
და ჩვენ მის ზეიმს ხელს რომ ვერ ვუშლით, —  
არა ვართ საზიზღარნი იმ კაცზე მეტად?!

როცა მოსამართლე ქრთამს ართმევს მექრთამეს,  
რათა იმ მექრთამემ ისე იპარპაშოს გულბნელი  
ზრახვებით,

ატყუოს ხალხი თაღლითური იონბაზობით,  
არამი ლუკმა ჭამოს თვითონ, აჭამოს სხვებსაც, —  
არ არის განა ის მოსამართლე უფრორე გულბნელი?!  
მექრთამე თაღლითზე უფრორე მექრთამე?!  
ციხის ბნელ ჯურღმულში ჩაღპობის ღირსი?!  
ამა ქვეყნიდან უგზო-უკვლოდ გაქრობის ღირსი?!  
განა არ არის ეს საერთო უბედურება  
და ჩვენც არა ვართ ხელშემწყობნი ამ  
გულბნელობის?!

ვინც მართლმსაჯულების სახელით  
პირველი არღვევს მართლმსაჯულებას,  
თქმაც ზედმეტია — უსაშველო დამნაშავეა!  
მაგრამ, ვინც არ სჯის ამ დამნაშავეს, —  
განა არ არის დამნაშავე უპირველესი,  
უცოდვილესი ზეცისა და მიწის წინაშე?!

ჰა, როცა ნაღდი სიმართლის თქმის ზეიმობს ჟამი,  
პატიოსნების უბერავს ქარი,  
რომ დღეს დღე ვუნოდით და ღამეს — ღამე,  
ვამხილოთ ყველა სულმდებალი და ყალბისმქმნელი!  
დრო აღარ ითმენს!..



— რა ეკონომიკურ ეკონომიაზე უნდა ილაპარაკოთ, როცა ერთი კაბინეტისათვის ორი კარი ჩამოგიკადიათ?!

## ხელმძღვანელმა დაიკვირა:

სანარმო სულ ნაცნობებით, ახლობლებით და ნათესავე-  
ბით დავაკომპლექტე!  
კულტურული მომსახურება უმადლეს დონეზე ავიყვანე—  
დღის ყოველ მონაკვეთში შაშით, ჭადრაკით და ნარდის  
თამაშით ერთობიანს!  
შრომის დისციპლინაც ავამალლე: მოსვლასა და წასვლაზე  
ყველა ხელს აწერს!  
არც ოჯახებით ვართ ერთმანეთთან ცუდ დამოკიდებუ-  
ლებაში: ყველა კამპანიაში, — როგორც სანარმოში, ისე  
ოჯახებში, — სულ თამადად გახლავართ!  
ჰოდა, ასეთი ოპერატიული ღონისძიებებით კრიტიკა  
ნულამდე დავიყვანე და რას მერჩით?!

ბაკვი ქავჭინაძე

## ნ ა კ ვ მ ს მ ბ ი

- ოპროს პატრონს ოპროს ხასიათი აკლდა.
- უსამშურმა თავი ვერ დაისაქმა და მოსამართლე დაასაქმა.
- დედას შვილის დაბადების დღე არ ავიწყდებოდა, ცოლს — ქმრის ხელფასის აღების დღე.
- საჰმისათვის თავის მოქონებით თავი მოჰქონდა.
- გამყიდველს, სასწორზე დაჭერით, თითი გაუთხელდა, მომხმარებელს კი — ჯიბე.
- კომპინატორს სახსრების ტკივილი სახსრებმა მოუღრჩინეს.
- უპბილო კბილის ექიმის საკბილო გახდა.
- ბანძის მაძიებლის საქმე გამოძიებელმა მოიძია.

ოთარ ნაჟაგია  
(ქ. სოხუმი)

სარგვეზის კოლმეურნეობის გამგეობის თავმჯდომარე ჭიჭიკო პაქსაშვილი გეგმების შესრულებასთან მწყურადად გახლდათ.

რაც მან ფიქრი და ღონე მიწერების ბადის ქსოვას შეაღია, ის რომ კარგ საქმეზე დაეხარჯა, გეგმებს ასით კი არა, ორასი პროცენტით შეასრულებდა, მაგრამ წალმართიან მოქმედებას უკუღმართი გზით სიარული არჩია.

ამ უკუღმართ გზაზე დაიმეგობრა კოლმეურნეობის მთავარი ბუღალტერი იასონ ბინაძე და ფერმის გამგე გოგია ცისკაძე. სოფლის ამ ვაითაგვაცებმა ქსოვეს და ქსოვეს მიწერების ბაღე და, მათთვის მოულოდნელად, თვითონ გაეხვივნენ ამ სიცრუის სათხვევლში.

გამოძიებამ დაადგინა, რომ ცრუპენტელა სამეული ადგენდა ყალბ აქტებს პირუტყვის შეძენაზე, სილოსის ჩადების გეგმის შესრულებაზე, და წერდნენ და წერდნენ სალაროდან ფულის გატანის ფიქციურ ორდერებს.

ამ გზით გაჰქონდათ სახელმწიფო ბანკიდან თანხები და ერთმანეთში ინანილებდნენ. ასე დაიტაცეს 3.281 მანეთი. ასევე უკანონო გზით მიიღეს 1.990 მანეთი მოლარე ვარინკა კურტანიძისაგან, რომელიც ბოროტად იყენებდა თავის სამსახურებრივ მდგომარეობას. მათვე კოლმეურნეებს (ზ. გობიანი, რ. ბუნჩიკაშვილი და სხვ.) 1.844 მანეთის პირადი ქონებისა და სხვა მატერიალური ზარალი მიაყენეს. ესეც არ იკმარეს; გეგმის შესრულების ანგარიშგებაში 6.232 მანეთის წამატება მოახდინეს, რითაც, არსებითად, აზარალეს სახალხო მეურნეობა. ექვსი სული მოზარდი პირუტყვისა და 1.707 ცენტნერი სილოსის წამატებამ 4.697 მანეთი შეადგინა.

ახლა ცრუპენტელა სამეულს უკვირს, როგორ ამეტყველდა ქალაღზე არსებული პირუტყვი და ვითომ მათთვის დამზადებული სილოსი. უკვირთ, მაგრამ გასაკვირველი არაფერია, შუბი ხალთაში არ იმაღება!

# მიწერებს უეწირა!

ზოგიერთი საგულისხმო განმარტება: ჭ. პაქსაშვილი, ი. ბინაძე და გ. ცისკაძე სკკპ წევრები იყვნენ (ვაი, სირცხვილო!). პირადად გ. ცისკაძემ სარგვეზის კოლმეურნეობას 1.594 მანეთის მატერიალური ზარალი მიაყენა. წინასწარი გამოძიებისას ბრალდებულებმა სარგვეზის კოლმეურნეობას აუნაზღაურეს 3.995 მანეთი, დასაფარავი დარჩა 708 მანეთი, რაც პირადად გ. ცისკაძემ უნდა ზღოს.

სისხლის სამართლის დამნაშავეთა ეს საქმე ორჯონიკიძის რაიონში გამსვლელ სხდომაზე განიხილა საქართველოს სსრ უმაღლესი სასამართლოს სისხლის სამართლის საქმეთა სასამართლო კოლეგიამ (თავმჯდომარე — რ. ხმაღაძე).

ჭ. პაქსაშვილს, გ. ცისკაძესა და ი. ბინაძეს სასჯელის სხვადასხვა ზომა შეეფარდათ, ქონების კონფისკაციით, აგრეთვე სხვადასხვა ვადით აეკრძალათ სასჯელის მოხდის შემდეგ ხელმძღვანელ, მატერიალურად პასუსხაგებ და საფინანსო დარგში მუშაობა.

სასამართლო კოლეგიამ იმსჯელა არა მარტო მომხდარ დანაშაულზე, არამედ მის გამომწვევ მიზეზებზეც. ამიტომ გამოიტანა კერძო განჩინებები: ორჯონიკიძის რაიონის პროკურატურის გამომძიებლის ვ. კვიციანიძის მიმართ, რომელმაც ცხრა თვის მანძილზე მიმდინარე გამოძიებისას დაუშვა საქართველოს სსრ სისხლის სამართლისა და სისხლის სამართლის საპროცესო კოდექსების 30-ე და 129-ე მუხლების მოთხოვნების შეუსრულებლობა; ორჯონიკიძის რაიონის აგროსამრეწველო გაერთიანების მიმართ, სადაც სათანადო სიმაღლეზე არ დგას საკონტროლო აპარატი; სკკპ წევრის ვ. კურტანიძის მიმართ, რომელმაც ბოროტად გამოიყენა თანამდებობა.

ეს განჩინებები რეაგირებისათვის გადაეგზავნა პარტიის რაიკომს, რაიონის აგროსამრეწველო გაერთიანებას, რესპუბლიკის პროკურატურას.

ს. ხვამელი

ნახ. ზ. შორჩაიძისა



— ვერც ერთი კროსვორდი ვერ ამოხსენით და რა ნამუსით მოითხოვთ პრემიას კარგი მუშაობისათვის?!

ჰერ კიდევ უმაღლესი სასწავლებლების აღზრ-  
დითა დიდი ნაწილი „იკარგება“ განაწილების ად-  
გილისაქენ მიმავალ გზაზე.



ნახ. ჯ. ლოლუშვილი

ერთი ბიჭი დაგვეკარგა, ნითელდიბლომა!..

# კრივიკა ქვემოდა

დირექტორმა შეუბღირა: ტრიბუნაზე ადიო,  
მაგრამ არც შამფური დაწვა, თანაც — არცა მწვადიო,  
ჩემ კაცს ყველას კარგად იცნობ, არვის გაჰკრა თათიო,  
თუ არ გინდა, დღესვე შენი შევამცირო შტატიო,  
შეცადე, ჭერ დაბლიდან რომ აიღო სტარტიო,  
აქრიტიყე ყველა ბრიყვი, რეგვენი და ბატიო,  
ჯონი მათზე გადატეხე, სიტყვაც არ აპატიო,  
შოშით სხვებსაც რომ წაერთვას ძალა, არაქითიო!  
ჰა მოლარეს, ნაჭურდალით რომ აავსო სახლიო,  
ის მტვრითავი მუშაც არის დიდი მამაძალიო,  
დასცხე ნოქარს, საკუთრებად რომ აქცია დახლიო!  
მძლოლსაც მაგრად შემოჰკარი, ცხვირში წასკდეს ძმარიო,  
უფროსები გულით გვაქე, რომ აგიბათ მხარიო!  
აი სია — შიგ სუყველა მოწინავეს გვარია,  
თან გაფრთხილებ, შიგ უღირსი არავინ არ გარიო!  
არ ახსენო, ჩვენს კოლექტივს ვინაც უთხრის ძირსაო,  
ვინაც გვირღვევს მუღღრობებს, სიმშვიდეს და ძილსაო!  
ვინც ხელს გვიშლის, ლაუბობს, ჩივის, საქმეშია ბეცო!  
შენ ყველაზე მკაცრად მაინც დამლაგებელს ეციო!  
თქვი: „გეგმებს რომ ვერ ვასრულებთ და ჩამოვრჩით ძალიან,  
დისციპლინაც რომ არა გვაქვს, დამლაგებლის ბრალია!“  
თან დასძინე: „დირექტორი მკაცრად არვის არა სჯის,  
თორემ ასჯერ მოსახსნელი იყო ჩვენი ღარაჯიკი!“  
.. და ავიდა ტრიბუნაზე შოშითა და ვაებით —  
დირექტორის კაბინეტში ასჯერ განაშაგები.  
დაიყვირა: „ყველაფერში ჩვენ ვართ დამნაშავენი!  
ხალხნო, თვლებს რატომ ვხუჭავთ, რად არ ვამბობთ სიმართლეს?!  
ჩვენი ვაიდირექტორით წელში ვერ გავიმართეთ!  
მოყვრებით და მეგობრებით მან აავსო კადრები.  
მისი შოშით სული გვძვრება, თავგებივით დავეძვრებით!  
ყოყლოჩინობს, მედიდურობს და დიდგულობს ძალიან,  
რომ ვუთმენთ და ხმას არ ვიღებთ, ეს ხომ ჩვენი ბრალია!  
ცნობილია, აშკარაა, კარგს ავისგან ვერ არჩევს,  
მაინც ვღელმვართ. გვეშინია, ვერ ვუბედავთ ვერაფერს!  
თქვენ იკითხეთ, თორემ მე კი ვიფიქრებ ამჯერად, —  
ველარ მომხსენის! — დავასწარი განცხადების დაწერა!“

ვანო ცინცაძე

## სივრცე

— შეიძლება?  
— რა გნებავთ?!  
— მე ჩირაძე გახლავართ, კარამელის  
საამქროდან!  
— მერე?!  
— ჩირაძე გახლავართ!..  
— ჩირაძე?! მესმის, ჩივადე იყო!.. ხომ  
ხედავთ, დაკავებული რომ ვარ?!  
— საქმე ის არის, პატივცემულო დირექ-  
ტორო, რომ მე ბიძაჩემის დისნული ვარ!  
— სხვათა შორის, მეც ჩემი ბიძის დის-  
ნული ვარ და დეიდაჩემისაც, მამიდაჩე-  
მის — ძმისნული, ბიძაშვილის — ბიძა-  
შვილის, დეიდაშვილის — დეიდაშვილის!..  
— საქმე ის გახლავთ, რომ ბიძაჩემი  
დიდაძეა, სახელად ბარამი ჰქვია!.. მამის  
სახელიც მოგახსენეთ?!  
— როა?! დიდაძის?! ბარამ ბაირამოვი-  
ჩის?! თქვენ ვინ გგონივართ, მეგობარო?!  
რა კარებში გაჩერებულხარ, შე კაცო?!  
შემოდი, ავერ დამიჯექი, პირდაპირ! შენა  
ხარ, მაშ, ჩირაძე?! რაშია საქმე, რამ შეგა-  
წუხა?!  
— ისეთმა არაფერმა, მაგრამ სამუშაო  
პირობები..  
— შენ ოსტატად არ დაგნიშნე ამას  
წინათ კარამელის საამქროში?!. თუ მე-

### სარწმუნო ავაპი, ერთი დირექტორის კაბინეტში მოხდარი

სიერება არ მალატობს, ისტორიკოსის  
დიპლომი უნდა გქონდეს?!  
— არ გლალატობთ!  
— თუ არ ვცდები, ტექნოლოგ კარამე-  
ლაშვილს გვერდი ავუარეთ და შენ დაგა-  
წინაურეთი!  
— არ ცდებით!..  
— აბა, რა მოხდა?!  
— საამქროში დიდი სივრცეა...  
— მერე?!  
— მერედა, ის მოხდა, ჩემო ბატონო, რომ  
მე ბავშვობიდან სივრცის შიში მაქვს! თუ  
არ გჯერათ, ბიძაჩემს დაურეკეთ!..  
— რა არის აქ დაუჯერებელი?! მეც მე-  
შინია სივრცის: რომ მომკლა, გაშლილ  
ზღვაში გემიდან ვერ გადავხტები, ვერც

კლდიდან — უფსკრულში... ბალიშ-კამფე-  
ტის საამქროში გადაგიყვან!  
— აჰ! ეგეც დიდი საამქროა!  
— შენელთავი?!. ასე, ამ ჩემი კაბინე-  
ტისხელაა!  
— ეგეც დიდი სივრცეა ჩემთვის!.. მე  
მგონი, თქვენი მეორე მოადგილის კაბინე-  
ტი რომაა, ე, იმხელა სივრცეს კარგად  
ავიტან!.. ბიძაჩემმა ასე მიჩრია. თუ არ  
გჯერათ, დაურეკეთ!..  
— რა არის მანდ დაუჯერებელი?! საქმე  
ის არის, რომ ჩემი მეორე მოადგილე გო-  
რიძის მამიდაშვილია!  
— საქმეც ეგ არის, ამ დილით გორიძე  
მოუსხსნიათ! თუ არ გჯერათ, ბიძაჩემს და-  
ურეკეთ!  
— ეგ კი დაუჯერებელია!.. უნდა დავ-  
რეკო!.. ალო, ბარამ ბაირამოვიჩი ბრძან-  
დებით? დიახ, პანტიძე ვარ!.. მართალია  
გორიძის ამბავი?.. რას ბრძანებთ?!.. ახია  
მაგათა! აბა, რა ეგონა?! კი... დიახ!.. ჰო,  
მართლა, ჩვენ ერთი ახალგაზრდა, პერსპექ-  
ტიული მუშაკი გვყავს, ჩირაძე! რა ბრძა-  
ნეთ?! დიახ, დიახ, არის აზრი, ჩემს მეორე  
მოადგილედ დავანინაურეთ!.. თქვენ რას  
გვირჩევთ?!

ლარი ჩანტლაძე

ჩვენს ოთახში მდივანი შემოვიდა და ძუნწად მომიგდო:

— ის გიბარებს!

„ის“ ჩვენს დაწესებულებაში დირექტორად იწოდებოდა. არ დამიხანებია, „ის“-ის კაბინეტის კარი შევალე:

— შეიძლება?

— შემოდი! — შემოიპატიჟა დირექტორმა.

— თქვენ გამომიძახეთ? — ვკითხე მე.

— კი! დაბრძანდით, ყმანვილო!

მე სავარძელში ჩავჯექი, ხმელი სკამიც იდგა, მაგრამ სავარძელი ვარჩიე.

ის ქაღალდებს აშრიალბედა, თითქოს ამის გაკეთება ჩემს შემოსვლამდე არ შეეძლო. მერე რაღაც დოკუმენტებზე აწერდა ხელს. ხელის მონერით რომ დაიძალა ტელეფონს ეცა, ზოგს ფეხქვეშ გაეგო, ზოგი დატუქსა, ზოგს მიესიყვარულა და, როცა ჩემი ნერვები მიწასთან გაასწორა, ღიმილით მკითხა:

— რამდენი წელია, რაც ჩვენთან მუშაობთ?

— შეიდი!

— რამდენჯერ დაგანინაურეს?

— არც ერთხელ!

— მერედა, რატომ?!

— იმიტომ არ მანინაურებენ, რომ...

— კაი, კაი, გასაგებია! წუნწუნი საშინელება!

— რა ბრძანეთ?! — იქით შევეკითხე დირექტორს.

— არაფერი, ჩემთვის ვთქვი! გადავიდეთ საქმეზე: გამოგონება თუ გაქვთ?

— გამოგონება კი მქონდა, ალბათ, დაინერგებოდა კიდევც, თანავეტორობაზე ზოგიერთს რომ დავეთანხმებოდით.

— კარგი, კარგი, გასაგებია! ინდივიდუალისტიკა, გაურბის კოლექტივის!..

— რა ბრძანეთ?!

— არაფერი, ჩემთვის ვთქვი! გადავიდეთ საქმეზე: საზოგადოებრივი დატვირთვა თუ გაქვთ?

— როგორ არა, სამსახურში თავის დროზე ვცხადდები!

— მარტო ეგ არის?! — მოიღრუბლა დირექტორი.

— არა, ბატონო! ერთხელ ადგილკომის თავმჯდომარის მოადგილედ მირჩევდნენ და...

— საკმარისია, საკმარისი! ყველაფერი გასაგებია! კარიერისტობისაკენ სწრაფვა!

— ვერ გავიგე, რა ბრძანეთ?!

— არაფერი, ჩემთვის ვთქვი! გავაგრძელოთ საუბარი: მივლინებაში თუ დადიხართ ცოდნის დონის ასამაღლებლად?

— იცით რა? რამდენჯერაც გადაწყვიტეს ჩემი მივლინებაში გაგზავნა, იმდენჯერ მომიბოდიშეს: სამიველინებო ხარჯები ამოიწურაო და...

— ყველაფერი ნათელია! ინიციატივას არ იჩენს!

— ბოდიში, ბატონო! ბოლო სიტყვები ვერ გავიგე!

— არაფერი, ჩემთვის ვთქვი! გავაგრძელოთ საუბარი: ენერგეტიკული რესურსების ეკონომიაზე თუ გიფიქრიათ?

# წინადადება თუ გაკეთება

— ამ საკითხზე ჩემი მოსაზრებაც მაქვს!

— ბრძანეთ, ბრძანეთ! — მაჩქარებდა დირექტორი „ის“.

— მე გამომთვლელ მანქანაზე გამოვიანგარიშე: თუ თქვენს პერსონალურ მანქანას მხოლოდ დაწესებულების საქმისათვის გამოვიყენებთ, მაშინ წელიწადში სამი ათას მანეთ ეკონომიას მივიღებთ, ამით კი...

— გასაგებია, გასაგებია!.. სხვის საქმეში უყვარს ცხვირის ჩაყოფა!..

— რა ბრძანეთ?! ბოლო სიტყვები ვერ გავიგე!

— დაწყნარდით, ისე, ჩემთვის ვთქვი! სამუშაო დროის მომჭირნეობაზე თუ გიფიქრიათ?

— როგორ არა! აი, თქვენი კაბინეტის კარზე აბრა რომ გაქვთ გაკრული—„მიღება მხოლოდ ორშაბათობით!“ — უნდა გაუქმდეს, ამით კი ლოდინში დრო აღარ დაგვე...

— კარგი, კარგი, გასაგებია!.. ქაოსის მომხრეა!

— ოჰ, ეს რა შემართება?! ბოლო სიტყვები ვერ ვიგებ! — ავწუნუნდი მე.

— არაფერია, არაფერი! გავაგრძელოთ საუბარი: ჩვენი საქმიანობის თაობაზე რაიმე კარდინალური წინადადება თუ გაქვთ?

— რის შესახებ?

— აი, მაგალითად, საკითხის გადაწყვეტა ერთ საათში რომ შეიძლება და მთელ კვირას რომ ვანდომებთ!

— მაგას რა კარდინალობა უნდა?! თანამშრომლებს მივცეთ ჭეშმარიტი მსჯელობის საშუალება და საკითხი ნახევარ სა...

— კარგი, კარგი, გასაგებია!.. თანამშრომლების აბუნტება სურს!

— რა ბრძანეთ?! ბოლო სიტყვები ვერ გავიგე!

— ბოლოს და ბოლოს, ახალგაზრდა ხარ და რაიმე ჭკვიანური წინადადება ხომ უნდა გქონდეს? იქნებ დასვენება გჭირდება?! ნაბრძანდი, იფიქრე, რაიმე ახალი შემოიტანე ჩვენს საქმიანობაშიც და პირად ცხოვრებაშიც!..

მეორე დღეს დირექტორმა კვლავ გამომიძახა:

— მოიფიქრეთ წინადადება?

— დავფიქრებდი!..

— ...

მესამე დღეს დირექტორმა კვლავ გამომიძახა:

— მოიფიქრეთ წინადადება?

— ვფიქრობ!

— აბა, შენ იცი!

მეოთხე დღეს ისევ გამომიძახა:

— მოიფიქრე?

— ვფიქრობ!

— ...

— მოიფიქრე?

— ვფიქრ...

— კარგია!

— ...

— მოიფიქრე?

— ვფფ...

— კარგია, წინსვლა გეტყობა!

— ...


— მოიფიქრე?

— მმმ...

— მთლად უკეთესი!

და ასე დამერქვა დაფიქრებული კაცის სახელი.


აშთანდილ ადისაი



ნახ. ჯ. ლოლუსანი

— რის ანგელოზი, რა ანგელოზი?! გამოტყდი, ეგ ფრთები ვის მოპარე?!





### სკალდობო — აქაკი გელოვანს

გზურავს ქუდი სვანური,  
ზოგჯერ კიდევ — შლიაბა!  
არც პირველი გიშოვია,  
არც მეორე — იაფად!  
ერთიცა და მეორეც  
რომ ნამუსის ქუდია, —  
კუდით ქვა ასროლინე  
უკუდოს თუ კუდიანს!  
ეს რომ ასე არ იყოს,  
არც კი გაგიღიმებდი!  
ღმერთმა ნუ მოგიშალოს  
შენი შრომის იმედი!  
ზოგი გაქებს, გადიდებს!..  
ზოგი ფუჭად გაგინებს!..  
ვერც ქება და ვერც ლანძღვა  
გზაკვალს შენ ვერ ავირევს!  
იუბილეს გილოცავ  
ყველა იმათ მაგიერ!  
შენი უშუაღ გლოცავდეს  
მრავალ, მრავალჯამეერ!

ეკვანი პართიანი



საპარტიველოს კომპარტიის ცენტრალური  
კომიტეტის გამომცემლობა, „ნიანგის“ ბიბლიოთეკის  
სერიით, გამოსცა აკაკი გელოვანის „ეკვირამები“.  
წიგნს წამდგარებელი აქვს მწერლის ტარიელ  
ნიჭარაძისეული მეგობრული შარკი, მხატვრულად გა-  
აულომა ანდრო კანდელაკმა.



### ჩვენი ნიგნავი

ნაზი შაინე მაკვირდება ბრძენთა თვალითა  
და ბოდენშტედტი „ათას ერთი დღის“ გოდოლს აგებს;  
ჯორდანო ბრუნო ვადმომცქერის ცეცხლის ალიდან:  
ხუმრობს „პერ გუენტი“ — კუმავს კუმტი „იბსენი“ ბაგეს;  
ზღვად დარნეულა სიტყვა — დიდი „ტარასის“ თქმული;  
ვგმობ თავმდაბლურად, ვინც ნექტარში სამსალს გვირევს;  
ციურ შუქს აფრქვევს დამსხვრეული „შოპენის გული“;  
და ბინდი ბურავთ „გერმანული ბალადის“ გმირებს;  
„დიდი ბალზაკი“ ცვაიგს უმზერს უკვდავთა ბალში;  
„მოგზაურობა ჯადოსნური“ ბავშვებს აოცებს;  
„სვანურ ბალადებს“ მღერის კოშკში მოხუცი მახვილი  
და „მაგელანი“ მოუძღვება დაღლილ ზღვაოსნებს;  
პარამხანებად აქცევს ტაძრებს „ბალთაზარ კოსა“;  
ბარათაშვილის „ნათლის სვეტი“ ადგას მთანმინდას;  
ჩემი კეთილი „ქვედელები“ ბოჭავენ დროსა  
და „ანდერსენი“ გავაცანი ქართველ ყმანვილთაც;  
გოეთეს სიბრძნის საგანძურში მივლია კრძალვით  
და დღეს შაუფიც საქართველოს მეგობარია;  
შთაგონებულმა „მიჯაჭვული ტიტანის“ ძალით  
ერს გავაცანი მომხიბლავი როზემარია;  
„მესინის სარძლოც“ ამეტყველდა ქართულ ენაზე;  
გვესმის ვეერათის ფეიქართა დარდი და რისხვა;  
გვხიბლავს ლაქსნესის გმირი ქალის ზნე და სინაზე;  
სვანეთსაც ესმის „ისლანდიის რისხვის ზარის“ ხმა;  
ჩემი „სვანეთის თეთრი ქუდიც“ მღერის „ლილესა“;  
დასაბამიდან მზეა მისი დასაფიცარი,  
და ბუმბერაზი „მურზაყანი“ მახვილს ილესავს;  
რომ ტაძრის ქურდებს შეუნგრეოს გულის ფიცარი;  
მეც ვუშენ პაპთა „ნმინდა ბუნაგს“ ცეცხლოვან ისრებს,  
მნამს „ვატიკანი“ დროის საჭეს ველარ წარმართავს;  
„მონშე არს ჩვენდა მათიანე“, ეშლებათ გიუებს  
და განახლებს მზე ულიმის ასხნილ სამართალს;  
ტაქსილის ტომებს გამოვტაცე რწმენა ხვალისა;  
მომიყვანია კოლხეთს სამძოდ „არგონავტები“;  
შლის „მარად ცოცხალ ხელოვნებას“ ხალხი ხალხით;  
„ქეთევან ქართველს“ ესალმება რა გულთათბით!  
„ნიბელუნგებიც“ მომყვებიან სიმართლის ფარად!  
და ნავე „სიბრძნის სიმფონიაც“ კარიდან კარად:  
„მითოლოგიურ ლექსიკონსაც“ ის ადგენს მარტო,  
ვისაც ესმის, რომ სამყაროა რთული და ფართო;  
მისურს, ყოველ ქართველს ამშვენივდეს „ქცევის კულტურა“;  
ნიჭის და ზაკვის; მტრის და მოყვრის ჰქონდეს გარჩევა,  
მამულის ცაზე მარად ენთოს რწმენის შუქურა,  
იტვირთოს ერმა ათჯერ მეტი აკვნის დარწვეა!  
„ეპიგრამების“ გმირებს, ალბათ, არ ეწყინებათ:  
სადაც მზეა და მკითხველია, მეც იქ ვიქნები!  
ხელში კალამი მხოლოდ მაშინ გამეყინება,  
მტვირთობული თუ ვიხილე ჩემი ნიგნები!..

### წლები, წლები!..

მოდოდენენ!..  
მოდოდენენ შობის დღიდან!..  
მოდოდენენ ყველა მხრიდან!..  
ზოგი ცაში აღმაფრენდა,  
ზოგი ეჭვით ნელში მხრიდა!..  
ო, რამდენი მსტუმრები! —  
გამიძნელდა მათი ცნობა:  
ყმანვილები, ჭაბუკები!..  
მიჭირს ყველას მასპინძლობა!  
სულ სამოცი სტუმარია —  
მოგუგუნე ზღვა მგონია!  
ღმერთო ჩემო! ბარათაშვილს  
ოცდაათიც არ ჰყოლია!  
თუ ქვეებს გვიშენს უსაქმური,  
მადლობელი ვართ იმისი:  
ქვაც გვინდა რომ ვაგოთ ჩვენი  
უბნისი და სამთავისი.  
თამადა ვარ!.. თეთნულდი ვარ!..  
მინდა, ყველას გახსენება!..  
მეგობრებო, ჯერ ადრეა  
ოლონდ ჩემი დასვენება!

აკაკი გელოვანი




— რომელ ოჯახს უკუთვნის ზუთხი?  
— ჩვენი მეზობლის ოჯახს პატ. მასწ., ავლაბარში!..

### უჯი ოჯი

გაერთიანება ყველგვარებში იქნება უნდა რეწვის სააქტო დარბაზში გაიმართა საერთო კრება.


დღის წესრიგი:

1. საანგარებო მოხსენება (მომხსენებელი — ლორაშვილი);
2. საზოგადოებრივი საკუთრების დატაცება საყოველთაო საქმეა! (მომხსენებელი — ქურდაძე);
3. არჩევნები.  
კამათში გამოსულმა ამხანაგებმა — ჩხუბი აშვილმა და შარიანმა მკვდარი და ცოცხალი უტრიალეს ერთმანეთს. კამათის შემდეგ გაიმართა ხელჩართული ჩხუბი.  
არჩევნები მიმდინარეობდა ფარული კენჭისყრით და აშკარა ქვის სროლით დამთავრდა.  
კრებაზე არმჯდომარე — ნიკოლოზ იოსებოძა



— რაც კოოპერირებულ კვებაზე გადავიდა, გამარჯობასაც აღარ კადრულობს!..

# სულგამტარები და სულნებარნი



(ცხადი — სიზმრად)

ძილძუშში დიდი ხნის წინათ გარდაცვლილი ბაბუა გამო-მეცხადა, ქუჩის გადაღმა გარინდებული იდგა და კეთილმონყალე თვალებით შემომყურებდა.

— შემოდი ეზოში! — შევბედე აჩრდილს. მან ორიოდ ნაბიჯი გადმოდგა მორიდებით და ანაზად გაშეშდა.

- რა მოხდა?!
- არაფერი!.. რალაც გამებლანდა ფეხებში!..
- ნუ გეშინია, უბრალო ძაფია! — დავამშვიდე მოხუცი.
- რას ნიშნავს ეს?! — იკითხა გაოცებულმა.
- ამბობენ, მიცვალებულის სული დადისო ამით!..
- რაიო?!

— საკუთარ სახლში მოდის უბედური შემთხვევის ადგილიდან, უფრო სწორად იქიდან, სადაც აღსასრული დაუდგა. როგორც კი ცხედარს წაასვენებენ, ღამით უჩინრად გაჭიმავენ ძაფსაც სულის მოსაბრძანებლად, ისე ვერ მიაგნებსო სახლს!..

- შში!.. ვინ მოიგონა ეს?!.
- როგორ?! უნინ არ იცოდით, თუ?!.
- არა! ყოველ შემთხვევაში, ჩვენს მხარეში არ გამიგია!

ბაბუა წამით დაფიქრდა, მერე ისევ განაგრძო, — ვთქვათ, ვი-ღაც სადმე, ძალიან შორს; ჩაიბარა უფალმა, მის სულს არ ეღირ-სება ოჯახში გავლა?!

— მანძილს რა მნიშვნელობა აქვს?! კაპიციან საქმეზე რომელი ჭირისუფალი შეიკავებს თავს?!. ერთი აქაური კაცი ქუთაისთან ახლოს გაიტანა მანქანამ. ნათესავებმა იქიდან აქამდე — მთელ ას კილომეტრზე — გაჭიმეს ძაფი. სუთასამდე კოჭი დასჭირდათ!..

- დავუშვით, ვერ მოხერხდა ძაფის გაბმა?!
- მაშინ ცხოვნებულის სული არ იქნება ნეტარი და სამოთხე-შიც გაუჭირდება შესვლა!..
- გამოდის, რომ ძაფზე გავლილი სული ყველა ნეტარია?..

— ასეა!.. სულგამტარები უფრო ხშირად ავტოავარიის ადგილე-ბიდან და საავადმყოფოებიდან იღებენ სათავეს. მერე სხვადასხვა მიმართულებით მიემართებიან ქუჩების, გზების, მოედნების, ტრა-სების გავლით...

- ახლა რომელი ნეტარსენებული მოდის ნეტავი?..
- ალბათ, ამას წინათ უეცრად გათავებული ახალგაზრდაა, სულკურთხეული. ექვსასკაციან ქორწილში თამადად ყოფილა, შინ დაბრუნებულს გზაში ინფარქტმა დაარტყა!..

— ეჰ! ძალით აჩქარებენ ჩვენთან წამოსვლას, ბაბუ! არ ვაკე-თებდით ძველად ასე ჩვენი.. ეს ძაფიც რა ეშმაკმა მოგაკონები-ნათ?!.. აუცილებლად თეთრი უნდა იყოს?!..

— კი, შავს სული არ გაეკარებაო! ამიტომ თეთრი ძაფი იშვია-თი საშოვნის გახდა, არაა მალაზიებში!


- ეს სიახლე მარტო ზუგდიდშია?!
- არა, მასიურადაა გავრცელებული მეზობელ რაიონებშიც: წა-ლენჯისში, ხობში, ჩხორონყუში, ცხაკაიაში, გალში!..
- აუჰ! — საათს დახედა აჩრდილმა, — საცაა, ინათებს, წავალ ანი, თორემ რიყრაჟმა თუ მომისწრო, სამოთხის მორიგე ანგე-ლოზი კარს არ გამიღებს!

- საჩუქარი არ გაჭრის?!.
- ახალდანიშნულია ამ პოსტზე!.. აბა, ძველი ათ მანეთად შენს მაგიერ ჩაეშვებოდა ჯოჯოხეთში!..

— კარგი, დავმორდეთ, მაშინ! მეც ცხრაზე პირდაპირ თათბირ-ზე უნდა გამოვცხადდე. ხალხმრავალი ქელებებისა და ქორწილე-ბის, მავნე წესჩვეულებების წინააღმდეგ ბრძოლის გაძლიერების საკითხს ვიხილავთ.

ანაორ ბარამია,  
„წინაგის“ კორესპონდენტი  
ზუგდიდის ზონაში





მეგობრული შარში თანაზი გომოლოპისა

### საქალაქო-ოთარ

### თურქიას

ჩვენს სახელოვან ფოტოხელოვანს, ფოტოჟურნალისტს —  
ოთარ თურქიას

აქებს აზია, აქებს ევროპა,  
ამერიკასაც ბევრჯერ უქია!..

შენის ჰუმორი, შენის ქველობა,  
მამულის უღელს უხმოდ უბია!  
ინვის ფერადი შემოქმედებით,  
მკერდში ბაჯალლო გული უნთია!..

თავისი საქმის დიდოსტატია,  
ბევრ ახალგაზრდას გზა გაუკვლია!  
ნიჭიერთათვის მფარველობა და  
ზრუნვა, ამაგი არ დაუკლია!

მადლის გარდა და სიკეთის გარდა,  
არავისათვის არა უქმნია!  
თუ ადამიანს არ დაეხმარა, —  
თურქიასათვის ის დღე უქმია!

გადაგიღებს და გამოგამყვანებს, —  
იმ შემთხვევაში, — ფირი თუკი აქვს!..  
თავდადებული ერისკაცია,  
მოცლა არა აქვს ერთი წუთითაც!

პატივს არა სცემს იგი ნეგატივს  
(ნეგატიური, იცის, ცუდია!)  
და პოზიტივად აქცევს მაშინვე  
(პოზიტიური მისი კულტია!)

მომხიბვლელ რაინდს, ჯენტლმენს,  
გულლიას  
მთლად საქართველო გადაუღია!  
ფოტოალბომთა, ფოტოხუკლებთა  
შექმნა-შედგენას არ დაუღლია!..

გამოფენებზე ოქროს მედალზე  
ნაკლები ჯილდო არ მიუღია!  
თავკაცობს ქართულ ფოტოქრონიკას,  
მის კაბინეტში მუდამ შუქია!

დღეს სამოცი წლის მზეჭაბუკია  
ნაღდი ქართველი — ოთარ თურქია!  
ახლაც გაჰყვირის ყველგან თამამად  
მისი ნაღარა, მისი ბუკია!

5 1 5 5 1

# მეგობრობა



## იუმორისა

• არ არსებობს ქვეყნად მეგობრობაზე ტკბილი გრძნობა. ნათქვამია, უმეგობრო კაცი კაცი არ არისო. ჩვენი უკვდავი „ვეფხისტყაოსანიც“ ხომ მეგობრობის აპოლოგიაა?! მეც მყავს მეგობრები, დავდივარ ლალად ამ ცისქვეშეთში.

დღეს, სამსახურში რომ მივდიოდი, გაჩერებასთან მეგობარი შემხვდა. მივიკითხ-მოვიკითხეთ ერთმანეთი, თითქმის ხუთი წუთი ვისაუბრეთ და ვიმეგობრეთ ავტობუსის მოსვლამდე.

სამსახურში, ვიდრე კაბინეტში შევიდოდი, დერეფანში შემხვდა თანამშრომელი, რომელთანაც თორმეტი წლის მეგობრობა მაკავშირებს. ჩამოვართვით ერთმანეთს ვაჟკაცურად ხელი. ამჯერად სამ წუთს გასტანა ჩვენმა მეგობრობამ.

კაბინეტში სამნი ვართ. დღეს შვიდ წუთს მოგვინია სამეულს მეგობრობამ. მერე ერთი გავიდა. ორმა განვაგრძეთ ძმობა, რომელმაც ცხრა წუთს გასტანა. ვინ იცის, კიდევ სანამ გაგრძელდებოდა ჩვენი მეგობრობა, უფროსს რომ არ გამოვეძახე?!

უფროსთან სამი წუთი და ოცდასამი წამი ვიმეგობრე. ნარმოების ხელმძღვანელმა გაერთიანებაში გამგზავნა. გზაზე ორ კაცთან მოვასწარი ძმობა. ერთთან

ხუთი წუთი ვიმეგობრე, მეორესთან — სამი.

გაერთიანების უფროსის მდივან გოგონასთან ორი წუთი და ოცდახუთი წამი ვიმეგობრე. მართლაც რომ სამეგობროდ არის გაჩენილი ის დალოცვილი!..

გაერთიანების უფროსთან ოთხი წუთი გაგრძელდა ჩემი მეგობრობა.

უკან დაბრუნებისას სამი, ხუთი და შვიდწუთნახევარი ვიმეგობრე სხვადასხვა პირებთან.

შესვენებაზე, ბუფეტში, სამ კაცთან მოვასწარი ძმობა.


ვინ მოთვლის, სამ-უშოო საათების დამთავრებამდე და შინ დაბრუნებამდე კიდევ რამდენ ვინმესთან მოვასწარი მეგობრობა.

არ არსებობს მეგობრობაზე უფრო ტკბილი გრძნობა. შეხედები შალიკოს. მიესალმებით, მიიკითხ-მოიკითხავთ, ის მიწასთან გაასწორებს, მოსპობს, გაანადგურებს ჭიჭიკოს, შენ ნავთს დაასხამ ცეცხლზე, ანდა, პირიქით. შეხედები ჭიჭიკოს, გადაეხვევით ერთმანეთს, შენ დაასამარებ შალიკოს, ის ბენზინს დაუმატებს ცეცხლზე, ანდა, აქაც პირიქით. ასე, მეგობრობაში გადის მთელი დღე.

გასა გვიან

თელავის რკინიგზის სადგურთან, უგზობობის გამო, საზოგადოებრივი ტრანსპორტი ვერ მიდის.

ნახ. მ. აბაშიძისა



— მატარებელზე თუ გაგვიანდებათ, სადგურამდე ჩვენ მიგიყვანთ!..

# „გაგული“ = „უვილი“

ჯინსები და ქურქები —  
თბილები და გრილები!,  
გოჭები და ჭუკები,  
სუკები და რბილები!..

ვარიები, ხბორები,  
ბატკნები და თიკნები,  
ნოსები და ბროლები,  
კარადებში — წიგნებიც!..

სუფრა რომ დამშვენდება  
მოთალით და ხრამულით,  
მაშინ გაასხენდება  
სამშობლო და მამული!..

საცივი და ბასტურმა,  
შქმერული, ჩაქაფული!..


გემოვნების დასტურად —  
მადა — მართლაც ზღაპრული!..

დაჩვეული ტკბილ საკენკს,  
თავს სულ ისე გვაჩვენებს,  
თითქოს კრწანისისაკენ  
ბედაურს მიაჭენებს!..

ხარბად დანაფებული  
ამქვეყნიურ სიკეთეს,  
ქადაგის და გვემულის  
ნიღაბს მარჯვედ იკეთებს!..

რა ქნას?! — ყველა საქმე აქვს  
მოკვარასჭინებული!..  
ერთი რამე აკლია —  
გვირგვინი წამებულის.

თედო ბაქიშვილი



ნახ. ი. უაინაშვილისა

საქართველოს სსრ სიღბოსტნეუ-  
ლის სამინისტროს აგრარულ-სამრეწ-  
ველო საგაჭრო რესპუბლიკური გაერ-  
თიანება თბილხილობოსტანგაჭრობა:

უფროდ „ნიანგის“ გასული წლის  
მე-16 ნომერში სათაურით — „გოლი  
საკუთარ კარში“ — გამოქვეყნებულ  
კრიტიკულ წერილში მოყვანილ ფაქ-  
ტებზე იმსჯელა თბილხილობოსტანგაჭ-  
რობის დირექციასთან არსებულმა ვაჭ-  
რობაში სახელმწიფო დისციპლინის გან-  
მტკიცებისა და ნეგატიური მოვლენების  
წინააღმდეგ მებრძოლი კომისიის სხდო-  
მამ, სადაც მონაწილე იყვნენ სისტემის  
პასუხისმგებელი მუშაკები და უფროდ-  
ში დაბეჭდილ წერილში მხილებული  
ობიექტებისა და რაიონული განყოფი-  
ლებების ხელმძღვანელები.

თბილხილობოსტანგაჭრობის დირექციის  
ბრძანებით, წერილში მხილებული დარ-  
ღივებისათვის, № 109, № 46 და № 34-ე  
პავილიონების გამგეობს — ჯ. ჭიჭინა-  
ძეს, გ. ტომარაძესა და ო. ფოცხვერიას  
გამოიცხადათ საყვიდურები და გაფრ-  
თილებული იქნენ, რომ, მსგავსი დარ-  
ღივების შემთხვევაში, გათავისუფლე-  
ბული იქნებიან სამუშაოდან.

№ 52-ე მაღაზიის გამგის მოვალეო-  
ბის შემსრულებელი ვ. სოკუროვი გათა-  
ვისუფლებულია სამუშაოდან.

№ 53-ე მაღაზიის გამგე ზ. მესხი,

## ნიანგს უკანსუხეხენ

ობიექტში გამოვლენილი დარღვევები-  
სათვის, გათავისუფლებულია გამგის მო-  
ვალეობისაგან და ჩამოქვეითებულია  
უფროს გამყიდველად, ხოლო ამავე მა-  
ღაზიის უფროსი გამყიდველი ვ. მათია-  
შვილი გათავისუფლებულია დაკავებუ-  
ლი თანამდებობიდან.

დაქვეითებარებულ ობიექტებზე სუს-  
ტი კონტროლისათვის მკაცრად იქნენ  
გაფრთხილებულნი ლენინის, ოქტომ-  
ბრის, კიროვისა და გლდანის რაიგან-  
ყოფილებების დირექტორები — ა. კი-  
კნაველიძე, ე. წიფურია, შ. კობერიძე  
და ბ. სოჭოლავა.

გაფრთხილებული იქნენ თბილხი-  
ლობოსტანგაჭრობის (ცენტრალური აპარა-  
ტის პასუხისმგებელი მუშაკები, რათა  
შემომწების შედეგები რეგულარულად

შეიტანონ მაღაზიების საკონტროლო  
უფრნალებში.

საქართველოს სსრ მცხეთის რაი-  
კოოპკავშირის პურკომბინატი:

„ნიანგის“ გასული წლის მე-19 ნო-  
მერში დაბეჭდილი კრიტიკული წერილი  
„ფენოვანი პური“ — სინამდვილეს ასა-  
ხავს.

იყო შემთხვევა, როცა ღამის ცვლაში  
მზელაგებმა, შავი პურის ცომის მოზე-  
ლის შემდეგ, გაუწმენდა ბუნკერში გა-  
უშვის თეთრი ცომი, ამიტომ მას შრე-  
ებად გააჟგა შავი ცომის ნარჩენები.

აღნიშნულ ფაქტზე იმსჯელა ქარხნის  
დირექციამ და დამნაშავენი დასაჯა.

მიმდინარეობს ქარხნის მანქანა-და-  
ნადგარების კაპიტალური შეკეთება, რის  
შედეგადაც პურის ხარისხი ბევრად  
გაუმჯობესდება.

ბოლნისის რაიონის სახალხო დე-  
პუტატთა საბჭოს აღმასრულებე-  
ლი კომიტეტი:

„ნიანგის“ გასული წლის 21-ე ნომერ-  
ში დაბეჭდილი კრიტიკული ინფორმა-  
ცია წითელ სოფელში ხიდის მშენებ-  
ლობის გაჭიანურების შესახებ, სინამდ-  
ვილი შეიფერება.

ხიდის მშენებლობა წელს დამთავრ-  
დება.

ჩიბანის ადმინისტრაცია, ყბაღაღებული „საბჭოთა მუქარის“ საბაბით, აძლიერებს „ჯვაროსნულ ლაშქრობას“ სოციალიზმის წინააღმდეგ.

83-332



სატირისა და იუმორის კერძო-ნაწილი „ნიანგი“ № 7 (1640) აპრილი. გამოდის 1923 წ. იენისიდან.

მთავარი რედაქტორი  
ზაურ ბოლქვაძე

სარედაქციო კოლეგია:

ჭაბუა ამირჯიბი, ნომადი ბართია, ბორის გურგუ-ლია, ნოდარ დუმბაძე, რე-ვაზ თვარაძე, ჭემალ ლო-ლუა, ნოდარ მალაზონია (მხატვარი - რედაქტორი). ალექსანდრე სამხონია, ბე-ჟან სიხარულიძე (პასუხის-მგებელი მდივანი), გიგლა ფირცხალავა, ჯანსუღ ჩარ-კვიანი, თამაზ წიფიწაძე, ვაჟა ჭანიშვილი (მთავარი რედ. მოადგილე). ნაფი ჯუ-სოიო.

ტექნიკური რედაქტორი  
მინიელ კუნალაშვილი

გადაეცა ასაწყობად 11. 3 83 წ. ხელმოწერილია და-საბეჭდად 14. 4. 83 წ. ჭა-ლალის ზომა 60X90/8 ფიზიკური ნაბეჭდი ფურცე-ლი, 1,25, სააღრიცხვო-სავა-მომცემლო თაბახი 1,7, სა-ქართელოს კბ ცკ-ის გა-მომცემლობა, ლენინის, 14. შეკვეთა №697 უე 07069 ტირაჟი 138.000. ყურნალი გამოდის თვეში ორჯერ. რედაქციაში შემოსული მა-სალები ავტორებს არ უბ-რუნდებათ.

ჩვენი მისამართი: 380008, თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, 3/მგ მდივნის — 93-10-78, მხატვარი-რედაქ-ტორის — 99-02-38, გან-ყოფილებათა გამგებების — 93-49-32, რედაქტორ-ლიტ-მუშაეების — 99-02-38, მდივანი - მემანჯანის — 99-76-69.

სატირიკო - იუმორისტиче-ский журнал «НИАНГИ» (На грузинском языке) Тбилиси, пр. Руставели № 42. Издательство ЦК КП Грузии. Типография издательства ЦК КП Грузии, Тбилиси, улица Ленина № 14.

ფასი 20 კაპიკი  
ინდექსი 76137



ნ.ბ. ბ. სანაბერა